

Visoki predstavnik pozdravio sporazum o ustavnim promjenama

Visoki predstavnik, Christian Schwarz-Schilling, je danas čestitao sudionicima pregovora o reformi Ustava na tome što su postigli politički dogovor.

“To je prvi suštinski korak u dugom procesu reforme ka efikasnijim i funkcionalnijim državnim institucijama. Ova reforma treba odgovoriti potrebama građana i dati podršku BiH na njenom putu ka Evropskoj uniji”, rekao je visoki predstavnik.

Sada je potrebno da Parlament da potrebnu podršku ovom sporazumu o promjenama Ustava. “Članovi parlamenta sada imaju važan posao da ocjene ovaj sporazum. Veoma je malo vremena ostalo da se realiziraju ove promjene kako bi one bile primjenjene na izborima 2006. godine. Apeliram na parlamentarce da iskoriste ovu priliku”, rekao je visoki predstavnik. Ukoliko Parlament ne bude mogao ratificirati ovaj sporazum na vrijeme ove promjene neće stupiti na snagu prije izbora 2010. godine.

Visoki predstavnik je pozdravio ulogu predstavnika međunarodne zajednice, a posebno Sjedinjenih Država, u pružanju pomoći bh. političarima da postignu ovaj sporazum.